

光緒山西通志

古蹟考五

考四之五

山西通志第五

賜進士出身頭品頂戴兵部侍郎兼都察院副都御史巡撫山西提督軍務張煦奉

旨監修

城邑

兩漢 魏晉十六國 隋唐五代 宋遼金元 後魏 齊周

漢太原郡屬縣故城平陶在文水縣南京陵在平遙縣東

水經注文水又南逕平陶縣之故城東西逕其城內南流

出郭王莽更曰多穰也 又汾水西逕京陵縣故城北王

莽更名曰致城矣於春秋為九原之地也國語趙文子與

叔向遊於九原其故京尚存漢興增陵於其下 元和志

太原府文水縣漢平陶縣城在縣西南二十五里屬太原

郡後魏改為平遙後西胡內侵遷居京陵塞在今汾州界

寰宇記引此汾州平遙縣京陵故城在縣東七里漢京陵

文無塞字

縣晉九原地也禮記注云九原晉卿大夫之墓地也 日

知錄禮記擅弓趙文子與叔譽觀于九原水經注以為在

京陵縣漢志太原郡京陵師古曰即九原因記文或作九

京而傳會之爾原注文子曰是全要領以從先大夫於九

京指其地古者卿大夫之葬也在國都之地不得遠涉數

百里而葬於今之平遙也志以為太平之西南二十五里

有九原山近是

後人在繁峙縣東原平在崞縣南慮虜今五臺縣治也

說文泝水起雁門後人戍夫山段氏注今代州繁峙縣南

有後人故城地理志屬太原郡 郡國志雁門郡原平故

屬太原注古史考曰趙衰居原今原平縣 元和志五臺

縣本漢慮虜縣屬太原郡因慮虜水為名也 太平記晉

永嘉三年雁門郡後人縣百餘家避亂入五臺山見山神
爲之先驅因而不反遂甯巖野 方輿紀要五臺縣慮厖
城在縣治東北漢縣治此西晉末南單于鐵弗劉虎居於
新興慮厖之北謂此

舊通志原平故城在崞縣南四十里慮厖故城在五臺
縣南

謹案後人後漢廢晉復置泝水卽滹沱也出代郡鹵
城縣說文謂出雁門後人者蓋後漢縣省入鹵城改
屬雁門郡也一統志故城在繁峙縣南據元和志縣
南之城乃唐天授時所新置之繁峙非漢縣也縣志
云在今縣東三里聖水村又案趙衰爲原大夫原在
河南濟源縣杜預曰沁水西北有原城者古史考以

雁門之原平當之誤又案慮厖因水為名今城三面環水當是故治顧氏以為在縣東北乃地形志之思陽城也舊志謂在縣南又元魏徙置之城也

上艾在平定州

平定州志在州南三十里即漢上艾縣治後魏為石艾縣廢址猶存今為甯艾都新城村

河東郡屬縣故城大陽在平陸縣東河北在芮城縣北

漢志大陽吳山在西應劭曰在大河之陽河北詩魏國

方輿紀要大陽城在平陸縣東五十里應劭曰吳山在其

西是也漢置縣以在大河之陽而名江氏承曰左傳下陽

義故改大陽漢初興平二年帝至陝至大陽御牛車幸安

尚公穀之學也尚公穀之學也邑是也後魏屬河北郡後周改縣為河北縣移於今治杜

佑曰大陽春秋時北魏所都似誤河北縣在芮城縣東北
七里故魏國城也漢置縣魏晉皆屬河東姚秦置河北郡
於此後魏因之後周改置河北郡於大陽此城遂廢漢志
卽古魏國是矣

左邑在聞喜縣東北桐鄉卽縣治也

漢志左邑葬曰兆亭聞喜故曲沃武帝元鼎六年行過而

名應劭曰今曲沃也

案今當作故說詳國都

秦改爲左邑武帝於此

聞南越破改爲聞喜 元和志聞喜縣本漢左邑之桐鄉
也武帝元鼎六年將幸緱氏至此聞南越破大喜因立聞
喜縣屬河東郡桐鄉故城在縣西南八里俗以此城爲伊
尹放太甲於桐宮之所

臨汾在太平縣及絳州界

括地志臨汾故城在絳州正平縣東北二十五里卽古臨
汾縣也 方輿紀要臨汾城在太平縣南二十五里亦曰
汾城漢置臨汾縣屬河東郡

舊通志太平縣古晉城在縣南二十五里故址周九里
十三步晉獻公都此左傳士蔿城絳以深其宮史記獻
公八年城聚都之命曰絳 又絳州臨汾故城州東北
二里左傳晉獻公九年士蔿城絳以深其宮杜預注絳
晉所都也

謹案故城今之尉村距太平絳州各二十五里而地
屬太平舊志云州東北二里者因隋初之絳郡卽治
臨汾城而誤也自此地有晉城之稱方志遂指爲故
絳亭林百詩最精地理亦據以立說實則唐以前無

以漢之臨汾縣爲絳都者

上黨郡屬縣沾故城在平定州之樂平鄉

太平記平定軍樂平縣縣城卽漢沾縣城也隋文帝更加
修築 方輿紀要沾縣城在樂平縣西南三十里漢沾縣
治此晉志泰始中置樂平郡治沾縣建興四年石勒圍樂
平太守韓據於沾城

謹案今樂平木後漢分置之縣故寰宇記以爲卽漢
沾縣然水經注明云清漳出沾縣故城東北俗謂之
沾山後漢分沾縣爲樂平郡治沾縣又引晉太康記
曰樂平縣舊名沾縣漢之故縣矣今沾嶺在鄉城西
三十里清漳水逕漢縣故城西城址猶存

涅氏亦曰涅以涅水爲名也在武鄉縣東穀遠沁水所出也

今沁源縣治

漢志上黨郡涅氏師古曰涅水出焉故以名縣也穀遠羊頭山世靡谷沁水所出郡國志上黨郡涅有關與聚太平記威勝軍州今沁武鄉縣涅城冀州圖云在縣西六十里沁源縣漢穀遠縣地原屬上黨郡在今縣南一百五十步孤遠故城是也按晉地記穀遠今名孤遠因後人語訛耳

隋氏後爲寄氏又改冀氏故城在岳陽縣南

水經注沁水又南逕隋氏縣故城東劉聰以詹事魯蘇爲冀州治此也沁水又南歷隋氏關太平記晉州冀氏縣本漢隋氏縣地屬上黨郡漢縣在今縣北三十五里故城是也方輿紀要隋氏城在屯留縣西南七十里漢縣屬

上黨郡隋一作猗督省後魏置寄氏縣仍屬上黨郡

舊通志冀氏故縣在岳陽縣東南一百三十里北魏於古猗氏縣城南置

謹案前漢志隋氏郡國志訛猗氏遂混於猗頓之舊居元魏既置寄氏縣復立冀氏郡又傳爲冀缺之故里今其地皆屬岳陽一在縣南九十里爲漢縣亦卽北魏寄氏水經注所謂隋氏故城也一在縣南百三十里爲北魏及唐之冀氏縣水經注所謂隋氏關也雁門郡屬縣故城善無在右玉縣南前漢郡治也陰館在朔州東南後漢郡治也

漢志雁門郡善無莽曰陰館陰館樓煩鄉景帝後三年置莽曰富代水經注中陵水又西北流逕善無縣故城西

王莽之陰館也十三州志舊定襄郡治地理志雁門郡治
太平記陰館城一名下館城地理志屬雁門

謹案下館城朔平府志作下關云城周八里在馬邑
縣南三十五里善無故城府志所謂明妃古城者在
今右玉縣南五十里說詳府州廳縣考

馬邑今朔州治中陵今平魯縣治

水經注桑乾水石會馬邑川水其水東逕馬邑縣故城南
干寶搜神記曰昔秦人築城於武州塞內以備胡城將成
而崩者數矣有馬馳走一地周旋反覆因依以築城城乃
不崩遂名之爲馬邑漢以是邑封韓王信王莽更名之曰
章昭 又中陵川水出中陵縣西南山下東北流逕中陵
縣故城東北俗謂之北右突城王莽之遮害也十三州志

善無縣南七十五里有中陵縣世祖建武二十五年置

武州故城一為今左雲縣前漢縣也一在平魯縣西南界後漢縣也

水經注武州川水北流逕武州縣故城西王莽之桓州也

案此即崔浩所云平城首西百里武州城也又大羅水轉逕武州縣故城南十

三州志曰武州縣在善無城西南百五十里北俗謂之大

羅城案此城在平魯西南界當是偏關縣東之賈家堡大羅水今闕河也

樓煩三城並在甯武府

漢書周勃傳擊韓信軍於若石破之道北八十里還攻樓

煩三城地理志雁門郡樓煩有鹽官應劭曰故樓煩胡

地

汪陶在山陰縣北崞在渾源州西劇陽在應州北與繁峙並

崞川水所經也

水經注南池北對汪陶縣之故城池水又東北注桑乾水
為灤水灤水又東崞川水注之水出崞縣故城南王莽之
崞張也其水西出山謂之崞口北流逕繁峙縣故城東王
莽之當要也又北逕劇陽縣故城西王莽之善陽也
沃陽在和林格爾廳南疆陰在甯遠廳東

漢志雁門郡沃陽鹽澤在東北有長丞西部都尉治莽曰

敬陽案鹽澤今甯遠疆陰諸聞澤在東北莽曰伏陰案大

甯遠廳東北百十里亦名代哈泊

代郡屬縣故城班氏在大同縣東南

漢志代郡班氏秦地圖書班氏此氏字尚作氏詳府州廳縣考莽曰班副

十三州志在郡西南百里北俗謂之去留城

平舒在廣靈縣西犛氏在縣北界

魏土地記代城西九十里有平舒城案古代城在直隸蔚州東二十里距廣靈

七十里平舒城今平水鎮在縣西十里

水經注灤水東逕犛氏縣故城北王莽更名之曰犛聚十

三州志縣在高柳南百三十里俗謂之苦力干城矣案故

在廣靈西北六十里六棱山陰一統志云縣東北則距陽高及二百里不止如關驛所言矣

參合在陽高縣南其在縣南川者曰道人當城在天鎮縣東

其在縣南川者曰陽原

地理風俗記道人城北五十里有參合鄉故縣又當城西

北有延陵鄉延陵城在天鎮北六十里詳見前卷十三州志道人城在高柳

東北八十里案東北疑東南之誤水經注灤水自犛氏東又東逕道人

縣故城南地理志王莽之道仁也又東逕陽原縣故城南

地理志代郡之屬縣也北俗謂之比那州城潞水又東安

陽水注之又東逕安陽故城北案一統志陽原安陽並在直隸西甯縣而又謂陽原

在天鎮今考西甯縣距山西界止十里安陽水乃今之五泉河由天鎮之嘴耳關入桑乾則原陽故城明在天鎮境

其東安陽為主父封長子章者全為直隸地矣

且如城亦曰沮洳城在豐鎮廳東

方輿紀要且如城在大同府東漢縣屬代郡中部都尉治

此應劭曰在當城西北四十里後漢廢晉義熙十一年魏

主如沮洳城即且如之譌也案當在廳東一百八十里二道河間

雲中郡屬縣故城咸陽城薩拉齊廳治也楨陵或曰箕陵在

廳東南嶺和在廳西北

水經注大河東逕咸陽縣故城南王莽之資武也又河水

南入楨陵縣西北緣胡山歷沙南縣東北兩山二縣之間

而出案地理志檜陵緣胡山在西北西部都尉治莽曰檜

陸後漢書郡國志無檜陵有真陵疑是譌字此縣當

大河南流處沙南縣在河西地理今釋咸陽在歸化

緣胡山即河北之大青山嘴也城土默特檜陵歸化城西黃河東岸檜和詳府州廳縣考

北與城今歸綏道治也武泉在歸化廳東北陶林在城東南

漢志雲中郡陶林東部都尉治北與中部都尉治武泉莽

曰順泉

謹案武泉以水名縣今小黑河也其雁門郡南別有

武泉灌嬰傳破胡騎將於武泉北從擊胡騎晉陽下

周勃傳降下霍人以前至武泉景帝紀中六年匈奴

入雁門至武泉其地當在關南為崞縣之揚武寨陶

林統志在左雲西北蓋以為甯遠地也然此縣為雲

中東部都尉治而甯遠及和林格爾為雁門定襄郡

地不合也北與爲中部都尉治則此縣明在北與以
東今據水經注武泉芒干二水審知北與爲卽歸化
城其他縣邑不難推測而得

說詳府州
廳縣考

沙陵城在托克托廳東又有陽壽城亦在廳界

漢志雲中郡沙陵莽曰希恩陽壽莽曰常得水經河水

又東過雲中栢陵縣南又東過沙南縣北從縣東屈南過

沙陵縣西注白渠水出塞外西北逕沙陵縣故城南王莽

之希恩縣也其水西注沙陵湖又有芒干水出塞外西南

注沙陵湖湖水西南入於河

案白渠水今黃水河芒干水
今大黑河二水自廳東合流

至廳北五里大河所謂沙陵湖
也一名金河泊今湖已久涸 隋書地理志勝州金河

縣開皇三年置曰陽壽十八年改金河

定襄郡屬縣定襄城在和林格爾廳東其東北爲武進城當

甯遠廳界

漢志定襄郡治成樂定襄葬曰著武武進白渠水出塞外西至沙陵入河西部都尉治葬曰伐蠻郡國志雲中郡定襄故屬定襄武進故屬定襄

謹案漢定襄郡縣與治後漢郡徙治善無在殺虎口南其口北之地皆改屬雲中寰宇記武進作武晉故城在雲中縣東一百四十里古雲中城在盛樂城西八十里則此故城在廳北上土城東四十里爲歸化廳南界然爲白渠水所出又似在甯遠廳北境矣桐過城在清水河廳北其南有駱城卽大洛城也又有武城亦在廳境

漢志定襄郡桐過葬曰椅桐駱葬曰遮要武城葬曰桓就

郡屬志
作武成

方輿紀要桐過城在朔州西漢縣後漢末廢冀

州圖雲州西五十里即桐過城誤也案隋雲州即漢定襄郡

惟水經言河水過桐城縣如冀州圖則駱城在朔州北漢

縣距河為太遠疑五十里上當有百字

縣後漢末廢俗謂之大洛城晉義熙九年魏主自雲中西

南如大洛城即此
說詳府州
應縣考

武皋城黑河所源也在歸化廳東北武要城北近河源與襄

陰城並在甯遠廳北

漢志定襄郡武皋荒干水出塞外西至沙陵入河中郡都

尉治莽曰永武武要東郡都尉治莽曰厭胡案今大黑河

朔平府志出官山有九十九泉
魏書帝紀太

西河郡前漢治平定在偏關縣河西後漢徙治離石其屬縣

故城在山西者廣衍在苟嵐州益蘭在嵐縣干章在興縣觀

氏在甯鄉縣武車在保德州宣武在河曲

漢志西河郡縣三十六 郡國志西河郡十三城

謹案近人漢志釋地略河東之縣凡十有五與李申者地理今釋時有出入惟李但註云在山西境是書乃一一指實雖不盡確然亦考鏡之資也爰彙存之其已見於前篇者不復述焉

五原郡在河套北今烏拉特旗地其屬縣傍山西邊者曰臨沃城曰稠陽城並在薩拉齊廳西

水經注河水又東逕西安陽縣故城南又東逕成宜縣故城南又東逕宜梁縣之故城南又東逕稠陽城南又逕河陰縣故城北又東逕九原縣故城南秦置九原郡治此漢武帝元朔二年更名五原西北接對一城蓋五原之故城

王莽之填河亭也

以上並在今烏拉特旗界故城皆在河北惟河陰一縣在套內

經又東

過臨沃縣注王莽之振武也

石門水今喀拉木倫河河以東為山西地

又東逕

稠陽縣故城南王莽之固陰也地理志自縣北出石門障

戴氏震曰漢書地理志於五原郡下云東部都尉治即權陽城也亦謂之固陽壘與稠陽縣故城別塞在縣西北也

案石門障今鄂博口也在應西包頭鎮包頭即內府與固博託河之轉音也漢稠陽縣當在此河東之古城灣

漢末新興郡治九原城今忻州也其屬縣雲中城在崞縣定

襄今仍名定襄朔方定陽二城並在州界

三國志漢建安二十年省雲中定襄五原朔方置一縣領

其民合為新興郡晉書地理志作定襄雲中五原朔方上郡等五郡晉書地理志

新興郡統縣五九原雲中定襄廣牧晉昌魏書地形志

定襄晉屬新興郡真君七年併雲中九原晉昌屬焉平寇

真君七年併朔方定陽屬焉方輿紀要九原城在忻州

西漢置京陵縣屬太原郡師古曰卽古九京也記曰趙武
從先大夫於九京後漢末改置九原縣十三州志九原山
其仞有九故曰九原漢末大亂匈奴侵邊自定襄以西盡
雲中雁門之間遂空曹公集荒部之戶以爲縣聚之九原
界立新興郡又平寇城志云在州東十五里魏收志併三
堆朔方定陽入平寇蓋皆初置縣也又定襄漢陽曲縣故
城也後漢末移陽曲於太原界於故城置定襄縣屬新興
郡以處塞下遺民又雲中城在醇縣西南七十里又廣牧
城在壽陽縣北漢廣牧縣本屬朔方郡後漢建安中移治
陘南屬新興郡

謹案建安中集五郡遺民以一郡爲一縣九原雲中
定襄朔方皆以郡名爲縣名惟上郡嫌於稱郡故別

舉郡屬之定陽縣以概一郡而晉志五縣無定陽而有晉昌又無朔方而有廣牧與地形志互異蓋魏晉皆不能無所更易也然據魏志朔方定陽二縣至太武始併省而晉志已略而不書抑又何也京陵在今平遙忻州於兩漢自爲陽曲地自曹氏以邊郡之名加之於此於是因九原而傳合爲漢之京陵而趙氏之墓嬰梓之迹紛然於州縣志矣

其邑聚王離城在沁水縣

太平記在縣東北五十六里秦將王離擊趙築此城阻險臨岸四面懸絕

曲陽城在絳縣

方輿紀要在縣東南魏邑也漢初曹參追擊魏豹於曲陽

卽此或曰在曲沃之陽故曰曲陽

娑石城在靜樂縣

方輿紀要在縣東北漢初韓王信反灌嬰擊之破胡騎於

娑石又周勃擊信於娑石破之正義曰在樓煩縣西北似

誤案唐樓煩在靜樂縣南七十里張氏據當時地制自不誤若漢樓煩則在娑石以北不合矣

印駒城在徐濬縣清源鄉

方輿紀要在清源縣西南二十三里相傳文帝置牧於交

城築此城以印駒今縣西北十五里有馬名山亦以文帝

牧苑而名

受降城在薩拉齊廳西

漢書匈奴傳武帝太初元年令因杆將軍公孫敖築受降

城宣帝甘露三年匈奴呼韓軍請留居光祿塞下保受降

城

案在今烏拉特旗界內

光祿城在薩拉齊廳西北

漢書帝紀太初三年遣光祿勳徐自為築五原塞外列城
地理志尤原郡稠陽北出石門障得光祿城

關城在長子縣

後漢書郡國志上黨郡治長子縣上黨記關城都尉所治
翁龍埤益壽塞葛邪塞並在薩拉齊廳界

漢志西河郡南部都尉治塞外翁龍埤注翁龍埤障名也
匈奴傳始建國二年呼韓邪單于遣兵入雲中益壽塞
大殺吏民又莽以厭難將軍陳欽震狄將軍王巡屯雲中
葛邪塞

沙邱亭在永濟縣

後漢書郡國志蒲坂有沙邱亭

延陵鄉在天鎮縣北

地理風俗記當城西北有延陵鄉故縣也

詳前延陵縣

美稷鄉在汾陽縣

太平記汾州西河縣今有美稷鄉漢美稷縣地 方輿紀

要美稷城在府西北漢美稷縣屬西河郡本治今廢勝州

西後漢中平中以寇亂南徙五百餘里卽此城也尋廢

牧師城在保德州

後漢書匈奴傳北單于降人反立逢侯爲單于車騎將軍

鄧鴻等討之時中郎將杜崇屯牧師城逢侯將萬騎攻圍

之鴻至美稷逢侯乃乘冰度隘向滿彝谷 方輿紀要牧

師城在汾州府西北境漢邊郡皆置牧師苑以養馬此卽

西河郡牧苑也後漢永元六年匈奴大帥逢侯叛南單于
師子與漢中郎將杜崇屯牧師城也

汾州府志漢西河郡都尉治美稷建武中詔南匈奴徙
居美稷之虎澤永初三年南單于叛圍中郎將耿种於
美稷四年梁懂等擊之屬國城南單于敗還虎澤西河
郡治及美稷虎澤皆本在西河永和五年西河郡南徙
五百九里治離石紀要乃以爲中平中美稷城南徙五
百餘里似有舛誤今府西北亦無所謂美稷牧師城者
謹案美稷故縣當在偏關西河外而汾州之有美稷
鄉見寰宇記必有所本蓋漢末南單于內徙時所分
居者牧師城據匈奴傳當在河東乘冰渡隘合在保
德之天橋峽紀要以爲在汾固非戴氏必執爲河西

地恐未必然

平城故城在代州

太平記代州雁門縣故平城縣城後漢末立故城在縣西

南

案今州東五里有平城堡記云西南似有讓蓋建安時魏武集塞下荒田與五郡並徙者

曹公壘在壺關縣南

元和志縣東南一百二里曹公攻高幹所築

白波壘在太平縣

元和志在縣東南二十里後漢末黃巾賊於西河白波谷

寇太原於此築壘

董卓壘在平定州

太平記在平定州縣東北八十里水經注曰畢發水徑董

卓壘東

陽曲護軍治在今縣北

水經注洛陰水又西南逕陽曲城北魏土地記曰陽曲胡人居太原界置陽曲護軍治汾水又南逕陽曲城西南注也

謹案地形志陽曲有羅陰城陽曲澤羅陰卽洛陰陽曲澤亦名陽曲川卽高歡建牙之所與此護軍治爲一地在今太原府北三十里之陽曲灣

秀容護軍治在嵐縣南

水經注汾水又南逕秀容城東魏土地記秀容胡人徙居之立秀容護軍治東去汾水六十里

謹案元和志故城在宜芳縣南三十里劉淵感神而生姿容秀美因以爲名此因元海新興人後來北魏

於新興置秀容縣而附會之也郭璞注山海經曰云
管涔山在故汾陽縣北秀容是晉初習有秀容之稱
則護軍之立與陽曲置治爲同時事均建安中曹操
分五部所散徙者秀容爲匈奴舊部名無疑也

洮隊卽河東郡王莽所改六隊之一也在夏縣

水經注安邑禹都也故晉邑秦置河東郡王莽更名洮隊
縣曰河東也

謹案漢志河東郡秦置莽曰北陽北洮之省文陽陽
字王莽傳分河東河內宏農河南潁川南陽六隊郡
也

洮隊故左邑縣在聞喜縣東

水經注涑水又西南逕左邑縣故城南故曲沃也王莽之

洮亭也司馬彪曰洮水出開喜縣故王莽以縣為洮亭然

則涑水殆亦洮水之兼稱乎案漢志洮亭作兆亭

太原亭今榆次縣有年亭今洪洞縣上黨亭今襄垣縣填狄

亭今神池縣五原亭今甯鄉縣並莽所改也

漢志太原郡榆次莽曰太原亭河東郡楊莽曰有年亭上

黨郡襄垣莽曰上黨亭雁門郡埽莽曰填狄亭西河郡西

都莽曰五原亭

謹案莽改郡普易其名縣以亭為名者三百六十並

詳班志茲附著西都本戰國趙舊邑戴東原謂宜在

永甯及甯鄉間或據亭名五原疑在河西考魏書太

武延和三年擊山胡白龍於西河屠其城破其餘黨

於五原此五原當是濱河之地或即沿舊時亭名也

右兩漢

魏雁門郡治廣武在今代州西

太平記代州魏文帝移雁門郡南度句注治廣武城卽今州西故城是也又圖經云邑地井泉鹹苦民皆遠汲率招爲郡鑿原爲渠注水城內迄今民賴其益

晉并州治臺壁在黎城縣

地形志并州漢晉治晉陽晉末治臺壁又襄垣郡刈陵有臺壁

舊通志臺壁在黎城縣東十五里建興八年慕容永聚糧臺壁燕主慕容垂大破之

謹案晉并州刺史治臺壁當在永興二年東瀛公司馬騰東徙時水經注言潞縣北對故臺壁漳水經其

南其地當在今黎潞二縣界如舊志則逼近東陽關

為當時壺口矣晉書載記亦作壺壁乃訛文

大昌郡治蒲子城在隰州

元和志隰州隰川縣劉元海僭號稱漢初理於蒲子後徙

平陽又於此置大昌郡以蒲子屬焉

武鄉郡治鄉城在榆社縣

元和志榆社縣本漢涅氏地晉於縣西北三十五里置武

鄉屬上黨郡石趙時改屬武鄉郡縣城故武鄉城也石勒

時築前趙錄曰石勒上黨武鄉人僭號後還令曰武鄉吾

之豐沛其復之三世地形志石勒分上黨置武鄉郡郡

治鄉縣元和志元有武字後草創失其舊名有武鄉城有漚麻池即石勒與

李陽所爭地案後魏鄉縣即今榆社縣治

永石郡治離石城在永甯州

元和志石州爲西河郡之離石縣晉惠帝末劉元海攻陷郡縣石勒時改爲永石郡

建興郡治陽阿城在鳳臺縣

魏書地形志慕容永分上黨置建興郡 水經注沁水南
逕陽阿縣故城西魏土地記曰建興郡治陽阿縣郡西四十里有沁水南流

舊通志陽阿故城在鳳臺縣北五十里大陽鎮

安民城在襄垣縣上黨郡嘗治之

地形志上黨郡慕容儁治安民城後遷壺關城 方輿紀
要襄垣縣北十二里晉永嘉三年劉淵寇陷上黨并州刺史劉琨遣將張倚領上黨太守據襄垣因築此以安上黨

之民故名建興中石勒略上黨陷安民城永和十一年上黨人馮鸞逐燕上黨守段剛據安民城魏收志云云是也
王陵城在太原縣東

太平記太原縣王陵城有晉太原王司馬輔冢存

舊通志在汾水東舊縣東北鄭村今名黃陵村案此城

成王葬得名魏書地形志太原郡長安縣有二陵城當是訛文舊志兩收之非也

赤沙城在潞安府

春秋釋例土地名故上黨郡城有赤沙城 晉書劉聰載

記惠帝初河間王表聰爲赤沙中郎將

板橋城在介休縣西北

太平記汾州介休縣板橋城郡國志劉淵擊劉琨於此舊

志在縣西北十八里韓板村

左部城在孝義縣南

水經注汾水之右有左部城側臨汾水蓋劉淵為晉都尉所築也 太平記汾州孝義縣左部城在縣南二十五里

廣牧城在壽陽縣北晉昌城在定襄縣西北

晉地理志新興郡惠帝改晉昌統縣五晉昌廣牧並屬廣

牧本朔方舊縣晉昌亦似改定陽者

載記石勒攻樂平太守韓據於沾城

劉琨遣箕潛救之琨次廣牧為援

八門城在汾陽縣北

太平記在西河縣北十五里十六國春秋云劉元海遣將喬嵩攻西河因築此城以自固高九丈有八門俗亦名八門城

大于城在文水縣

太平記在縣西南十一里本劉元海築令其兄延年鎮之
虜語長兄爲大于因以爲名

鵝城在徐溝縣清源鄉

太平記在清源縣東南二十二里晉陽秋曰永嘉元年洛
陽步廣里地陷有二鵝色黃蒼者飛冲天白者不能飛黃
蒼雜色胡夷之象劉曜以爲瑞築此城以應之

天井城西平城並在臨汾縣北

太平記在縣北三十里汾水東前趙錄曰劉元海元熙三
年晉將軍曹叡趙平虜卜休於天井遂戰滅之卽此地
方輿紀要西平城西北四十里晉永嘉五年劉聰據平陽
以其子驥爲征西將軍築城居之建興元年劉琨伐漢遣
監軍韓據自西河而南將攻西平聰益軍守之是也

盧城在永甯州東

太平記石州離石縣盧城在縣東二十里晉并州刺史劉琨所築以攻劉曜

赤壁城在河津縣

晉書載記太興元年十一月劉曜至赤壁 太平記晉州岳陽縣赤壁城在縣西一里 方輿紀要赤壁在河津縣北劉淵據平陽時置戍處也晉太興初靳準盡殺劉氏劉曜聞亂自長安赴之軍於赤壁水經注皮氏縣西北有赤石川蓋置壁壘於此因名

謹案赤壁注通鑑者均不詳所在岳陽之赤壁城雖見於寰宇記而在平陽以東與當時情事不合顧氏謂在河津近是曜自長安赴難平陽必濟西河龍門

蒲津上下二百里在在可渡惟水經之赤石川乃今
陝西之宜川縣寰宇記宜川屬丹州古城在縣東北
二十九里永徽二年移於赤石川口赤水川在縣西
北二里今其地東至河岸八十里東南至龍門一百
九十里而遽曰皮氏地誠爲巨謬或云詎龍門四十
里有石鼻渡屬鄉甯爲延鄜東渡要津石鼻音同赤
壁斯爲近之然曜鎮長安奄有全陝時劉石之釁未
開朝臣方引領西望又何爲迂道至此乎

姚襄城在吉州西

元和志在慈州文城縣西五十二里本姚襄所築其城西
臨黃河控帶龍門孟門之險

張公城在五臺縣

太平記十六國時石勒將張平所築城東有碑

燕熙城在聞喜縣

魏書慕容永傳永至聞喜聞燕主垂稱帝不敢進築燕熙城而居之

思歸城在平遙縣

方輿紀要在縣東三十里劉淵攻劉琨於太原築壘拒守因思歸而夜遁故名

偏城在汾陽縣

方輿紀要在縣南五十里後趙時築此以防西北諸部其城北占山阜南臨絕澗有欹側之狀因名

石城在黎城及襄垣縣

方輿紀要在縣南八十里舊傳石勒築此以貯穀又襄垣

縣西北九十里有石勒城志云勒取上黨時積草城也

照城益陽城陽護城並在壺關縣

方輿紀要平順縣照城縣東三十里西燕慕容永所築以

拒慕容垂者又有益陽城在縣東南四十里今為城頭村

又陽護城在縣北五里皆慕容永所築案諸城本壺關地後割隸平順今平

順改鄉地仍歸壺關

右魏晉及十六國

後魏所置之州并州仍治晉陽為漢晉舊州其恆州本司州

治代郡之平城即魏故都也

魏書地形志并州漢晉治晉陽皇始元年仍置 水經注

如渾水其水又南逕平城縣故城東司州代尹治皇都洛

陽以為恆州

其秦州初爲雍州治蒲坂城建州治高都城肆州治九原城汾州治蒲子城又治茲氏城皆舊縣也

晉州初爲唐州治白馬城在今臨汾縣東雍州治柏壁城在今絳州南汾州治定陽城在今吉州顯州治六壁城在今孝義縣武州治雁門川廓州治崞山並在今崞縣

地形志晉州孝昌中置唐州建義元年改治白馬城廓州武定元年置治肆州敷城縣界郭城 太平記絳州正平

縣柏壁城在縣西南二十里後魏明元帝於此置柏壁鎮

太武帝廢鎮置東雍州慈州東魏初置定陽郡天平元年

以州南界汾水所經置南汾州 方輿紀要孝義縣六壁

城在縣西南十五里寰宇記後魏太平眞君五年討叛賊

於六壁水經注曰勝水東逕六壁城南魏朝置六壁於其

下防離石諸部因為大鎮太和中罷鎮置西河郡志云六壁者縣所轄貞壁賈壁白壁許壁柳壁並六壁為六也魏收志永安中置顯州治六壁城領定戎建平真君等郡代州雁門縣武州城在西縣六十里東魏置領吐京齊新安三郡以統軍戶

雲州本雲中鎮在今和林格爾廳又治文水縣朔州本懷朔鎮在今薩拉齊廳又治壽陽縣與蔚州之治鄆城界在今平遙靈州之治隰城界在今汾陽甯州之治東多城在今介休又恆州別治秀容在今忻州皆僑治者也

地形志雲州舊置朔州孝昌中改寄治并州界木漢定襄郡魏初所都之盛樂後為雲中鎮又置朔州朔州本漢五原郡延和二年置為鎮後改為懷朔孝昌中改為州後陷寄治并州界蔚州永安中

改禦夷懷荒二鎮置寄治并州鄆縣界靈州太延二年置

薄骨律鎮孝昌中改天平中寄治汾州隰城甯州興和中

置寄治西河界休城案此二州本在河西甯州武康郡志云治東多城恆州天

興中置司州治代都平城太和中改孝昌中陷寄置肆州

秀容郡城

其郡縣故址陽曲治木井城南在今縣東北受陽即壽陽之

別也在文水縣北雲中郡即雲州倚治也亦在縣東與祁界

元和志陽曲後漢末移於太原縣北四十五里陽曲是也

後魏又移於今縣南四里陽直故城縣城故木井城也魏

孝靜帝築城中有井以木為轂因名案志則後魏縣治即隋之陽直在唐治木

井城南四里皆今之陽曲也壽陽縣晉置受陽屬樂平郡晉末山戎內

侵後魏太武遷戎外出徙受陽之戶於大陵城內置受陽

縣屬太原郡

大陵故城在今縣北十三里

太平記太原府祁縣雲州

故城後魏雲州城也在縣西二十里孝武帝永熙中寄理

并州界謂此也

舊通志雲州城在文水縣東四十里後魏築今名雲州

村業村西五里有建安堡屬祁縣地形志雲州領盛樂

為雲中郡一為州治之盛樂郡惟真興郡無可考

禽昌故城亦即白馬城也故平陽郡治在臨汾縣東北

地形志晉州平陽郡禽昌神鼎元年世祖禽赫連昌仍置

禽昌郡平陽州治真君六年併禽昌太和十一年復水

經注汾水又南逕白馬城西魏刑白馬而築之故世謂之

白馬城今平陽郡治太平記晉州洪洞縣禽昌故城在

縣東南二十四里襄陵縣後魏於白馬城置禽昌縣高齊

天保七年省周平齊自臨汾縣東北二十里白馬故城移

禽昌於今縣焉案白馬城今名北麻社後魏平陽禽昌二郡共治一城所謂雙頭郡也

曲沃故城在今縣南秦平故城在今縣西北義甯安澤合陽

三城並在岳陽縣境

太平記曲沃縣本晉舊都絳縣後魏孝文帝於今縣東南

十里絳山北置曲沃縣屬正平郡太平縣本漢臨汾縣後

魏太武帝於今縣東北二十七里太平故關城置秦平縣

周避太祖諱改秦為太岳陽縣本漢穀遠縣後魏孝莊帝建義元年

於今縣西北七十八里安澤故城置安澤縣又於和川縣

南九十里置義甯縣方輿紀要岳陽縣合陽城在縣南

亦後魏置屬冀氏郡案魏志合陽縣有台陽城是縣境當有二城知在縣南者以屬冀氏郡也

統志疑即縣南三十里古縣鎮云在縣北非又義甯郡縣異治郡治今沁源縣治則襄宇記所云和川縣南九十里

是也顧氏謂和川即義甯所改統志在岳陽東北九十里亦以隋和川當之並非此縣本分禽昌縣地置者則去臨汾洪洞皆不甚遠和川南九十里必在岳陽以東三四十里內矣

定陽城斤城並在吉州昌甯即鄉甯也又有平昌城其南汾州之吐京諸郡並在州中陽五城諸郡並在縣

地形志汾州定陽郡舊屬東雍州延興四年分屬定陽延

興四年置元和志後魏孝文帝於今州置定陽郡並置定陽縣會有河西定陽胡人渡河居此因以為名

昌甯延興四年置有陰陽二城案二城並在五城郡平昌

世祖名荆軍太和十一年改有白馬谷元和志唐為呂香

南有馬石城世祖為定陽太和二十一年改案石城當作

壁谷文城漢北屈縣後魏孝文帝於此置斤城縣屬定陽郡故城在慈州北六十五里今志無此縣必為龍文南

汾州北吐京郡領平昌北平昌石城吐京五縣南吐京郡

領新城一縣西五城郡領昌甯平昌二縣西定陽郡領洛

陵一縣定陽郡領永甯一縣中陽郡領洛陵昌甯二縣

昌甯有後魏內陽郡即中陽也洛陵即洛陰並詳府州志

縣考今案羅洛河出縣東北西南經吉州界入黃河以水

經注大羅城洛陰水建書作大洛羅陰例之則洛羅二字

以聲近互易此洛陰蓋即羅水所運之邑聚也又縣志永

甯故縣在西四十里

舊通志作昌甯故縣

北解城在臨晉縣南解城在虞鄉縣又縣西有安定城北鄉

城今榮河縣治北猗氏亦今猗氏縣治也

地形志河東郡安定太和元年置紫即後周南解二漢晉

曰解後改有桑泉城北解太和十二年置有張楊城桑泉在

涑水北張楊城在其南不應猗氏有介山塘名義北鄉郡

北猗氏太和十一年置汾陰有北鄉城 太平記臨晉縣

本漢解縣地今縣東南十八里故解城是也後魏改爲北

解縣方輿紀要北解故城榮河縣古北鄉城在縣北三十

一步

壺關城上黨郡治也在今縣南樂陽城在長子西襄垣城在今縣北刈陵城在黎城縣

地形志上黨郡皇始元年治安民城眞君中復治壺關壺關二漢晉屬後罷太和十三年復樂陽普泰中分長子寄氏置又鄉郡襄垣二漢晉屬上黨有襄垣城臨川城又襄垣郡建義元年分鄉郡之襄垣置有安民城襄垣城建義分上黨之屯留置刈陵二漢晉曰潞屬眞君十一年改

方輿紀要壺關舊城在縣東南五十里括地志後魏移壺關縣當羊場坂羊頭山之阨是也其地名潞陽岡樂陽城在長子縣西南三十里黎城縣後魏刈陵縣地故城在縣西北十里

謹案襄垣故城據魏志凡四證以水經注可見者僅漢魏二城而已詳府州廳縣考

吐京城卽土軍也在石樓縣新城在孝義縣界西南其東多城爲潁州之眞君郡治而甯州之武康郡亦治之瓜城則定戎郡治團城則武昌郡治也並在孝義

太平記石樓縣本漢土軍縣後魏太和二十一年於此城置吐京郡嶺東嶺西二縣屬汾州水經注云卽漢土軍縣也蓋胡俗譯言聲變故曰吐京又溫泉縣後魏於吐京故縣東七十里置新城縣地形志云屬吐京太武帝名嶺東縣太和二十一年改爲新城案在孝義縣西九十里卽隰州之廢溫泉縣方輿紀要孝義縣東多城在縣北二十里團城在縣西北二十五里城家記謂之屈頊城昔漢武帝於汾隄側屈曲

爲頓後因汾水泛濫廢壞後魏於其地僑置蔚州今城址
猶存

高都郡治高都城在鳳臺縣東長平郡治元氏城在高平縣
東安平郡治端氏城秦甯郡治東永安城並在沁水縣所領
縣西河西澗澤並在陽城縣西

方輿紀要高都城在潯州東二十里沁氏後魏改元氏安

平在沁水縣東六十里東南去端氏縣三十里案古端氏

鎮漢置縣於古城西北魏晉因之隋徙古城名漢縣爲西城沁水故城在今縣西三十

里漢縣治此案即秦南陽所治之東永安也漢沁水縣自在河內爲今濟源

太平城卽桑乾郡也溼南宮在焉又有小平城亦曰北新城
皆所謂南平城也並在山陰縣北

太平記朔州郡陽縣太平城後魏穆帝所理冀州圖云城

東西南北各十里內有統萬所遺大釜二口在內各受二百石 方輿紀要新平城在大同府西南百里晉建興元年拓跋猗盧城盛樂爲北都修故平城爲南都又作新平城於灤水之陽使右賢王六修鎮之統領南部北史猗盧修故平城更南百里於灤水之陽黃瓜堆築新平城謂之小平城天興二年魏主如南平城規度灤南將建新邑魏紀天賜三年築灤南宮規立外城方二十里卽冀州杜佑曰圖所言東西南北各十里者水經注之桑乾郡也北齊置朔州在後魏故都西南之新城卽新平城也後移於馬邑卽今朔州治案此新城據元和志在朔州西南四里與平齊帶近杜氏以爲新平城殊謬

平齊城在朔州南

方輿紀要在大同府西三十里漢平城縣地宋志秦始五

年魏人徙升城歷城民望於桑乾因立平齊郡以處之

書崔道固傳皇興初徙齊士望於桑乾立平齊郡於平城

西北北新城尋徙居京城西南二百餘里舊陰館之西所

云平城乃桑乾郡之南平城即道武所營之城也所謂北

新城者即小平城倚虛所築之城若大同西三十里其地

尙在魏都平城之西郭東魏武定元年改置齊郡領昌國

安得有所謂北新城者案武州領三郡齊郡為州治在

安平二縣又置武州治焉代州西六十里地居陁南非復

平齊舊郡詳府應隋志朔州馬邑郡鄯陽有後魏桑乾

州縣山川諸考郡後齊以置朔州及廣甯郡神武後魏置神武郡後齊改

郡後齊以置朔州及廣甯郡神武後魏置神武郡後齊改

太平力與紀要桑乾城在朔州東南隋為桑乾鎮廣甯城

門中川二縣孝昌以來寄治并州界後齊蓋因舊名改桑

乾為廣甯云神山武城在朔州東南後魏置神武郡於桑

乾木上領尖山神武城在朔州東南後魏置神武郡於桑

改尖山日神山武城在朔州東南後魏置神武郡於桑

出沃陽東山下西流右合詣升爰水其水左合中稜川

後魏置樹頭縣屬神武郡齊廢樹頭魏收志在塞外惟

廣甯神武太平本皆後魏朔州所領郡其地在塞外惟

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

乾郡據木經注在今山陰縣與馬邑近後齊徙朔州於

邑並獲其郡名則改桑乾爲廣甯或有之若神武太平亦
並置可也安得改神武爲太平隋志已爲鹵莽顧氏乃並
其所領之縣牽合於此至以樹頽水中陵川
並在朔州東南幾於山河分裂南北倒置矣

謹案魏志恆州代郡所領平城太平武周永固四縣
惟太平永固二縣爲後置以隋志核之多不相合而
南平城新平城平齊城參錯尤甚茲舉其概餘詳府
州廳縣考山陰縣下

陽城故涅縣也在沁州北五原城在州南

地形志鄉郡陽城二漢晉屬上黨曰涅永安中改有涅城

案在古涅城之南襄垣郡五原建義元年分銅鞮置
卽隋之甲水縣也

義甯郡治沁源在今縣卽穀遠故城也團城在縣西

地形志義甯郡建義元年置治孤遠城團城治陶谷川沁
源郡治

太安神武太平並朔州屬郡所僑治也故城在壽陽縣西境
地形志中都有壽陽城 太平記并州壽陽縣神武故城
後魏神武郡也在縣北四十里

壽陽縣志太安驛在縣西五十里太平村在縣北二十

里 案朔州領太安神武太平附化四郡此仍舊名
其附化郡疑俗稱之駙馬城在縣西北三十里

秀容故城在忻州西北又有肆盧城其在州東者為平寇城
太平記忻州秀容縣後魏莊帝於今縣東十里置平寇縣
又今縣西北五十里有秀容故城明元帝置秀容縣

忻州志肆盧城今名奇村

梁城恆州寄治郡也在定襄縣界又有蒲子城

太平記忻州定襄縣梁城東魏郡也蒲城後魏縣也

案地

恆州寄治秀容郡梁城郡領參合祇鴻二縣當依水經注
作涼城又永安郡蒲子縣始光三年置真君七年併平河

入焉此記所云蒲城蓋卽蒲子也

三堆城在靜樂縣南

太平記嵐州靜樂縣三堆城在縣南八十里故縣城於此置城內有三堆阜方輿紀要今縣治後魏初嘗置三堆縣太平眞君七年省三堆屬平寇縣有三堆戍西魏大統三年宇文泰使柔元侵魏三堆高歡擊走之又齊天保四年巡三堆大獵而歸蓋卽三堆戍也今城有堆阜三俗猶名三堆城案三堆故縣當以太平記爲可據蓋與平寇相去較近故眞君時併爲一縣若靜樂則去忻一百八十里決非能與平寇台併者矣

上館城卽今代州也原平城在州西

續通典後漢雁門郡治陰館今句注山北下館城是魏文帝移雁門郡南度句注治廣武縣今州西廣武故城是後

魏明帝又移廣武東古上館城今州城是也

代州志地形志雁門郡領原平廣武二縣原平本漢舊

縣故城在崞縣南四十里元魏時為秀容縣地見地形

志若此原平據志有陰館廣武樓煩三城龍淵亞澤二

神其地並在今州境則即為郡治之上館城無疑其與

漢縣同名者據元和郡縣志後魏宣武帝移雁門郡理

崞縣意其時宣武帝於今崞縣北別立原平縣崞縣時為石城

屬秀容郡漢原平又在其南故知非一地徙雁門郡治之後十餘年明帝復

東徙於上館城而上館亦遂名原平廣武縣適居其中

故地形志云廣武有東西二原平也今本倒為平原張黎傳同至高

齊時併省北魏浮置之郡縣復改為一縣而統名廣武

志又云魏志牽招傳為雁門太守繕治陘北故上館城為上館也北史段霸雁門原平人而世居廣

武城則其始分廣武地置原平其後仍併爲一縣復名廣武燎然無疑

石城今崞縣崞山城廓州所治也與繁時城並在縣南又有敷城在縣西與甯武界

地形志秀容郡石城永興二年置敷城始光初置郡真君

初改繁時郡天平二年置領縣二崞山二漢晉曰崞屬雁

門後改屬繁時二漢晉屬雁門後改屬案二縣本陜北舊

治於秀容郡崞山在崞縣西南三十里繁時在縣南六十里說詳府州廳縣考隋志廓州治山

城案常是崞山城元和志崞縣後魏爲石城縣東魏置廓州於

此以廓關疆土爲稱

北安邑城河北郡治也在今縣南安邑城在夏縣

地形志河北郡北安邑二漢晉屬河東太和十一年置爲

郡十八年復屬太平記在夏禹舊城西四十里南安邑太和十一年置有

中條山

夏禹舊城在縣北十五里

正平城亦曰征平郡本南太平也在絳州西南柏壁又即今州城也

太平記絳州正平縣後魏太武帝於州西南二十里柏壁

置東雍州及正平郡孝文帝廢東雍其正平郡不改案魏志

廢元年改正平郡為征平至是乃東魏孝靜帝復置東雍

州案是時正平郡始治今州

高涼城在稷山縣南龍門城在河津縣北南絳城即車箱城

也在絳縣南白水莫平清廉西太平四縣故城並在垣曲縣

太平記絳州稷山縣後魏孝文帝於今縣東南三十里置

高涼縣屬高涼郡龍門縣後魏太武帝改皮氏縣置以山

為名屬北鄉郡絳縣本聞喜縣地孝文帝置南絳縣因縣

北絳山爲名屬正平郡孝莊帝改屬南絳郡理車箱城今縣南十里車箱城是也垣曲縣後魏獻文帝皇興四年置郡郡於陽壺舊城方輿紀要後魏皇興四年置白水爲邵郡郡治清廉城在今縣西五十二里後魏置以清廉山爲名

五城亦曰伍城在大甯縣石城在蒲縣南

太平記隰州大甯縣後魏太武帝於今縣東南六十里置

作城縣

案今爲作城鎮在隰州南

蒲縣後魏孝武帝於東南六十里置

石城縣

永安城一在霍州爲郡屬晉州一在孝義爲縣屬汾州西河郡仇池壁在趙城縣舊爲永安治郡所分置也白坑城在靈石縣後爲永安治西河民所徙治也

地形志永安郡建義元年置永安前漢曰魏順帝改眞君

七年併禽昌正始二年復治仇池壁有霍山祠趙城實宇記正

始三年於今趙城縣東南三里置永安縣魏末復還今理西河郡舊汾州西河民孝昌

二年爲胡賊所破遂居平陽界領縣三永安孝昌中置治

白坑城隰城介休並孝昌中置又汾州西河郡永安太和

十七年分隰城置

盛樂郡城卽雲州治魏舊都也在和林格爾廳北

地形志雲州領盛樂雲中建安眞興四郡盛樂郡領縣二

歸順永興中置州郡治

涼城亦曰涼川城與參台城沃陽城並在甯遠廳旋鴻城因

旋鴻池爲名也在豐鎮廳北永固城以方山石室爲名在廳

南界

地形志恆州梁城郡天平二年置領縣二參合前漢屬代

後漢晉罷後復屬冠鴻案涼城今名涼城兒在甯邊應東

源也與涼川城並見水經注志作梁城冠鴻池加渾水所

又以參合為漢縣並誤辨詳府州廳縣考代郡領縣四

永固屬善無郡領縣二沃陽屬並天平二年置永固石室

陵也在大同府北沃陽有二西為漢故城東為魏縣並

見水經注亦非天平時所置之縣詳歸綏道沿革下

廣甯郡治石門即石門障也在薩拉齊廳西其中川縣即白

道中溪武川鎮所在也在歸化廳西北

地形志朔州廣甯郡領縣二石門中川石門障見前稱陽

城在薩拉齊廳西

一百里白道中溪在

畢齊克齊司之北

尖山神武郡本治殊顏因樹顏水為名也並在清水河廳境

地形志朔州神武郡領縣二尖山殊顏案水經注樹顏水

即今之清水河並

詳山川府

廳諸考

謹案今歸綏八廳在魏志為雲朔二州及恆州地特
 其建立郡縣在魏末造魏收作志遂據亂後之籍城
 邑僑治名實乖違以水經注證之僅能知其一二已
 詳前考中矣略存其概以備參稽

北齊置北恆州於故平城北朔州於馬邑城西汾州於離石
 城而改雁門川之武州曰北靈州崞山城之廓州曰北顯州

太平記雲州齊文宣天保七年置恆安鎮徙豪傑三千家

以實之今名東州城其年廢鎮又置恆州唐志作朔州天

保六年於今州西南四十七里新城置八年仍移於馬邑

城即今城也武成帝置北道行臺隋志離石郡後齊置

西汾州案志文城郡下亦云後齊為雁門郡繁時有東魏

武州後齊改北靈州崞東魏置廓州後齊改北顯州

所置郡縣龍山城在太原縣西蔚汾城在興縣東

方輿紀要太原縣龍山城在今縣城西北北齊分晉陽縣

置縣於此因山為名或曰齊移晉陽縣於汾水東而於城

中置龍山縣也與縣漢汾陽縣地後齊置蔚汾縣屬神武

郡又蔚汾關在縣東蓋以蔚汾水為名也寰宇記後魏置縣於蔚汾谷

臨汾郡治臨汾今汾西縣故城也

元和志晉州汾西縣本漢絳縣地高齊於此置臨汾郡及

臨汾縣開皇三年改臨汾縣為汾西縣 明一統志唐開

元後徙縣治於厚義村

舊通志汾西故郡隋志後魏置開皇初廢案隋志後魏日臨汾並置

汾西郡開皇初郡廢十八年縣改為汾西與元和志不合疑汾西郡本臨汾郡之訛然其說亦可通

平高即今高平也永甯在沁水長平郡治端氏亦沁水東故

城也

隋志高平舊曰平高齊未改高平併泣氏入焉案魏志長平郡高平

永安中置治高平城元和志高齊文宣帝元氏縣自長

平高城移理之仍改高平縣屬高都郡太平記同二書所

云高城似脫平字或本高城魏於其地置平高而志

為高平又書高城為高平城也據隋志舊曰平高可見

方輿紀要後魏泣氏縣長平郡治高齊移郡治端氏省縣

入高平沁水縣秦甯郡後又為廣甯北齊改縣曰永甯

懷政郡治昌化即離石郡也在永甯州

太平記石州後魏為離石天保三年於城置西汾州因改

離石為昌化縣屬懷政郡

廣安郡治招遠又即朔州治也長甯城在神池縣界

隋志馬邑郡鄯陽後齊置縣曰招遠郡曰廣安開陽舊曰

長甯後齊世齊德長甯二郡後周廢齊德郡

後周襄垣城潞州治也垣城邵州治也靈邱城蔚州治也並
今縣玉璧城動州治也在稷山縣龍頭城絳州治也在聞喜
縣其蒲州則舊秦州介州亦舊南朔州西汾州又舊南汾州
也

太平記周建德七年於襄垣縣立潞州以其浸汾潞爲名
又垣曲縣西魏大統三年移邵州於今所隋廢邵州置垣
縣以地近垣城故也又東魏孝靜帝置北靈邱郡周宣帝
又於今理置蔚州又周明帝武成二年改東雍州爲絳州
移於聞喜縣東二十里龍頭城又後周明帝改秦州爲蒲
州取蒲坂爲名又北齊南朔州後周改曰介州隋初亦如
之又慈州魏天平元年置南汾州周建德六年又改爲西
汾州 方輿紀要玉璧城在稷山縣西南十二里周保定

初置勳州於此以旌章孝寬之功後又嘗移絳州治此其郡縣禽昌在襄陵故城曲沃治樂昌堡永樂即河北故縣也

太平記襄陵縣高齊省周平齊自臨汾縣東北二十里白馬故城移禽昌於今縣焉亦隸平陽郡曲沃縣明帝移治縣南七里樂昌堡永樂縣本漢河北縣地武成二年改河北縣為永樂縣保定二年省

平夷城定胡城並在永甯州西烏突城在臨縣東北

元和志石州平夷縣本漢離石縣地周宣帝割縣西五十里置定胡縣東至州九十五里周大象元年置臨泉縣南至州一百七十里大象元年於此置烏突郡烏突縣

紀要蓋以車突谷而名北魏太和二十年吐京胡反汾州刺史元彬擊破之車突谷郡此

雲中卽代都也在大同府爲縣名雲中之始

隋志馬邑郡雲內後齊曰太平縣後周改曰雲中有後魏

都置司州

梁榆故城因梁榆水爲名也在和順縣

隋志和順舊曰梁榆方輿紀要北齊置舊通志周置

安戎城在芮城縣東

太平記芮城縣後周明帝二年自縣東十里移安戎縣於

此尋改爲芮城縣因古芮城爲名

聞喜在柏壁城爲正平郡治小鄉在翼城本南絳郡舊屬也

地形志南絳郡治澮交川領縣二南絳太和十八年置屬

正平郡建義後屬案縣治車箱城與郡不同治小鄉建義元年罷 隋

志後周廢郡又併南絳縣入小鄉縣

亳城蒲原并在垣曲縣

隋志垣後周置邵州改白水為亳城大業初縣改為垣以
後周所置蒲原縣入焉

長壽城龍泉郡治也在隰州臨河城在永和縣蒲子今蒲縣
也

隋志隰川後周置縣初曰長壽又置龍泉郡永和後周置

臨河縣及臨河郡蒲後周置 太平記隰州周宣帝大象

元年於今州東百步置龍泉郡蒲縣大象元年於石城故

縣置蒲子縣取古蒲子縣為名石城在今縣東南五十里永和高齊武

平元年於曹魏狐讎縣置臨河郡並臨河縣狐讎城一在

里漢縣治一在西南五十里為曹魏故縣

其北朝邑聚之散見者什星軍在汾陽縣石羊軍在永和縣

地形志西河郡隰城太延中改什星軍 太平記永和縣
狐譟故城在縣西南五十里後魏太武帝築置石羊軍孝
文帝移軍於漢狐譟城其城遂廢

羅陰城大邗城在陽曲縣龍子城在臨汾縣乾城郭城在浮
山縣齊城在太平縣應城傾城率城在長子縣

地形志永安郡陽曲有羅陰城秀容郡肆盧有大邗城平
陽郡平陽有龍子城禽昌有乾城郭城正平郡秦平有齊
城上黨郡長子有應城傾城率城

謹案羅陰卽水經注之洛陰也大邗今本作邗據隋
書百官志北齊有原仇大邗諸治其爲邗之古字無
疑卽今之大孟鎮也水經注洛陰水出新興郡西流
逕洛陰城北又西逕孟縣故城南是也寰宇記臨汾

縣龍子祠在姑射山平水之源此城蓋與祠近又云
神山縣城故郭城也其城東西高四丈南北三面絕
崖險固周四五里今俗謂之葛城舊志謂後周置葛
城縣無可考乾城卽乾壁魏書帝紀天興初命積穀
於乾壁卽此矣

魏城在榆社縣汾陽追城在平定州撫城在孟縣思陽城倉
城在五臺縣立城在芮城縣臨汾城在河津縣雞亭在大甯
縣

地形志鄉郡縣有魏城樂平郡沾有汾陽追城永安郡
定襄有撫城驢夷有思陽城倉城河北郡河北有立城龍
門郡龍門有臨汾城五城郡五城有雞亭

謹案魏城在榆社南三十里唐嘗置偃武縣又據志

鄉郡治鄉縣卽今之榆社在彼時尙未置縣故志有

榆社城城在縣北三十五里又郡縣不同城故志又有武鄉城

在縣西北三十里石勒生於是非今武鄉縣今縣在南亭川貨武鄉亭矣驢夷本漢慮虜

縣音轉字訛遂有異稱今縣有虜陽水疑思陽城亦

因水名而誤虜爲思也又據志有驢夷城元魏之縣

非漢故治可知魏收此志所記故城與縣名同者如

祁有祁城襄陵有襄陵城秦平有秦平城小鄉有小

鄉城冀氏有冀氏城合陽有合陽城長子有長子城

襄垣有襄垣城屯留有屯留城遼陽有遼陽城武鄉

有武鄉城定襄有定襄城秀容有秀容城已散見於

篇仍彙書之

代城侯莫干城在靜樂縣宜歲郊在祁縣華陽亭在稷山縣

潞城在汾陽縣

水經注汾水又南逕一城東憑墉積石側枕汾水俗謂之
代城又南出二城間其城角翼枕汾流世謂之侯莫干城
蓋語出戎方傳呼失實也又侯甲水西北歷宜歲郊逕太
谷謂之太谷水又華水出北山華谷西南流逕一故城西
俗謂之梗陽城非也梗陽在榆次不在此按故漢上谷長
史侯相碑云侯氏出自蒼頡之後踰殷歷周各以氏分或
著楚魏或顯齊秦晉卿士茲斯其胄也食采華陽今蒲坂
北亭是也卽是城矣又文水南逕茲氏縣故城東爲文湖
在縣直東十里湖之西側臨湖又有一城謂之潞城水澤
所聚謂之都亦曰潞蓋卽水以名城也

斷梁城亦卽上廐亭在沁州頃城亦卽下廐聚又有胡邑城

並在襄垣縣百晦城在壺關縣文當城在和順縣粟城在遼州靖陽亭在平定州

水經注銅鞮水又東北逕故城北城在山阜之上下臨岫壑東西北三面阻表二里世謂之斷梁城卽故縣之上虜亭也銅鞮水又東逕銅鞮縣故城北又東南流逕項城西卽縣之下虜聚也地理志曰縣有上虜亭下虜聚者也銅鞮水又南逕胡邑西又東屈逕其城南又東逕襄垣縣入於漳又白木溪水出壺關東白木川東逕百晦城北蓋同仇池百頃之稱矣案此城當在舊平順縣界梁榆水出梁榆城西大曠山水有二源北水東流逕其城東南注於南水南水亦出西山東逕文當城北又東北逕梁榆城南卽闕與故城也又轅水出轅陽縣西北轅山南流逕轅陽縣故城西南東

流至粟城注於清漳也又桃水出樂平郡之上艾縣東流
逕靖陽亭南故關城也又北流逕井陘關

北鄉亭在沁水縣午壁亭在陽城縣都鄉城在高平縣苑鄉
城在鳳臺縣

水經注黑嶺水出西北黑嶺下即開陞也其水東南流逕

北鄉亭下

案黑嶺即鄆嶺開陞疑併陞之訛今鄆嶺關在沁水縣西二十里

陽阿水北出

陽阿川南流逕建興郡西又東南流逕午壁亭東而南入

山西南流入於沁水又泚水導源縣西北泚谷東流逕一

故城南俗謂之都鄉城又東南逕泚氏縣故城南又丹水

西逕苑鄉城北南屈東轉逕其城東南流注於沁謂之丹

口

與豆亭亦曰欽城在渾源州沙泉亭在靈邱縣蘭亭在廣靈

縣

水經注澧水又東合溫泉水水出西北隨谷東南流逕興
豆亭北亭在南原上欹傾而不正故世以欹城目之澧水
又東莎泉水注之水導源莎泉南流水側有莎泉亭又祁
夷水出平舒縣東逕平舒縣之故城南澤中又東北逕蘭
亭南又東北出石門關北

日沒城日中城早起城並在懷仁縣巨魏亭在應州叱險城
在陽高縣和堆城石虎城三會城託台亭羅亭並在天鎮縣
水經注桑乾水左合武州塞水水出故城東南流出山逕
日沒城南蓋夕陽西頽戎車所薄之城故也東有日中城
城東又有早起城亦日食時城在黃瓜阜北曲中又瀑水
東逕巨魏亭北又東崞川水注之又雁門水東南流逕高

柳故城北又東南流屈逕一故城背山面澤北俗謂之叱

險城又澁水出東阜下西北流逕故城北俗謂之和堆城

北合敦水亂流注雁門水天鎮縣志雁門水今南洋河澁水今三沙河又神泉

水出葦壁北東北逕一故城東世謂之石虎城又託台谷

水上承神泉於葦壁北東逕三台城又東逕託台亭北天

縣志神泉今張西河在縣東託台谷水今羌前屯河在縣東南又延鄉水東逕延陵縣故

城北又東逕羅亭

燕昌城在大同縣鋤亭土壁亭在右玉縣梨迴城在偏關縣

水經注羊水出平城縣之西苑外武州塞北出東轉逕燕

昌城南按燕書建興十年慕容垂自河西還軍敗於參合

死者六萬人十一年垂眾北至參合見積骸如山設祭弔

之禮父兄皆號泣六軍哀慟垂慙憤嘔血因而寢疾焉羅

過平城四十里疾篤築燕昌城而遷卽此城也北俗謂之
老公城又中陵水西北流逕磐無縣故城西吐文水北流
逕鋤亭南又西流逕土壁亭南西出峽左入中陵水案中
今兔毛河吐文水今馬營
河所出之峽卽今殺虎口又大羅水南流西轉逕武州縣
故城南一水注之水導源故城北五十里南流逕城西北
俗名曰故槃迴城又南流注大羅河大羅河今關河其一
水今水泉堡河也
塞泉城在薩拉齊廳白道城在歸化城廳昆新城在清水河
廳長川城獨谷孤城並在豐鎮廳

水經注河水東逕稠陽縣故城南又東逕塞泉城南而東
注又芒干水西南逕白道南谷口有城左右縈帶長城背
山面澤謂之白道城又中陵川水亂流合樹頽水西南逕
故城南北俗謂之昆新城又于延水出塞外柔元鎮西長

川城南小山如渾水出涼城旋鴻縣西南五十餘里東流
逕故城南北俗謂之獨谷孤城

獵閭村卽獵餘聚在平定州元仇城亦曰復仇亭在孟縣

顏氏家訓吾嘗從齊主幸并州自井陘關入上艾縣東數

十里有獵閭村後百官受馬糧在晉陽東百餘里元仇城

側案元當是元之譌分孟縣北有高齊天保造像
碑中元仇城字可證元仇卽原仇古仇猶國也並不知

二所本是何地博求古今皆未能曉及檢宇林韵集乃知

獵閭舊是獵餘聚元仇舊復仇亭悉屬上艾太原王劭欲

撰鄉邑記注因此二名聞之大喜

子奇壘在太平縣東倚梯城在鄉甯縣西武平關在稷山縣

東浮圖鎮在大甯縣

元和志太平縣子奇壘在縣東三十里後秦姚平字子奇

也在今柴村昌甯縣倚梯故城在縣西南一百五里累石爲之

東北兩面據嶺臨谷西南兩面俯眺黃河以城在高嶺非

倚梯不得上因以爲名絳州正平縣武平故關在縣西三

十里高齊時置周平齊廢隰州大甯縣浮圖鎮齊河清四
年築

障壁城在翼城縣拓定城慈烏城在吉州烏蘇城在沁州棗

戶城在代州

太平記絳州翼城縣障壁城後魏北絳及北絳縣也慈州

文武縣拓定城在縣西一里周保定四年置以拓齊境因

以爲名周顯德三年廢又州城內舊有慈烏城元和志倂
慈烏城

威勝軍銅鞮縣冀州圖云烏蘇城在縣西北二十里有銅

鞮水是也代州雁門縣棗戶城隋圖經云初築此城以地

多棗樹爲名土人云此棗多輸北京

下馬城在交城縣長甯寨區堂壁在榆次縣

方輿紀要交城縣北百六十里接靜樂界有下馬城相傳
魏孝文帝往來避暑下馬處又榆次縣東二十里長甯寨
志云魏將李長甯所居縣東南十里福堂寨亦曰區堂壁
相傳魏人區堂所居

柴壁城匈奴堡在襄陵縣洪洞鎮在今縣北高顯戍在曲沃
縣

方輿紀要柴壁城在平陽府西南六十里汾水上晉元興
中姚秦拔魏乾壁魏主馳救圍攻秦將姚平於柴壁秦主
興將兵至魏先掠天渡築重圍以絕內外遂克之胡氏曰
柴壁在汾東天渡蓋渡津之名今太平縣子奇壘與此接

界或以爲卽柴壁云匈奴堡在府西南七十里匈奴種人嘗保聚於此因名晉襄熙十一年并州胡叛秦入平陽推匈奴曹宏爲單于攻秦將姚成都於匈奴堡又姚懿以蒲坂叛欲運匈奴堡粟以給鎮人洪洞城在今縣北六里東魏置鎮於此姚最行記周建德五年從行討齊次洪洞百雉相臨四周重複控險據要城主張元靜肉袒軍門請降北史周主至晉州宇文憲自雀鼠攻拔洪洞是也或云此城在趙城南上紀略則寶宇記所云在洪洞縣北六里者當作十六里高顯戍在夏縣北後周建德五年周主自長安救晉州至高顯胡氏曰高顯與涑川相近案今猶名高顯鎮在曲沃縣西四十里

前亭城在和順縣總秦戍在保德州

方輿紀要前亭在故平城西高洋謀受魏禪自晉陽行至

前亭馬忽倒洋意惡之行至平都城不復肯進卽此總秦

戍北齊天保七年自西河總秦戍築長城東至於海秦顧氏謂

在大同府非辨詳府州廳縣考

石錐壁在解州襄邑堡在芮城縣長秋城在絳州華谷城在

稷山縣鼓鐘鎮在垣曲縣姚岳城在隰州

方輿紀要石錐山在解州西南五里後魏武泰初蕭寶夤

以關中叛正平民薛修義等攻圍蒲坂以應之長孫稚討

寶夤行至恆農遣左丞楊侃分兵北渡據石錐壁侃因以

計降修義之眾卽此也襄邑堡在芮城縣東晉義熙十三

年劉裕遣諸軍伐秦進抵潼關檀道濟沈林子自陝北渡

河拔襄邑堡括地志堡在河北縣華谷城在稷山縣西北

二十里後周天和五年韋孝寬在勳州請築華谷長秋二

城以杜齊人爭汾北之路不聽既而齊將斛律光出晉州

道築華谷龍門二城與周人相持此即斛律光所築者建

德五年圍晉州分遣宇文招自華谷攻齊汾北諸城是也

案顧氏引水經注涑水出聞喜縣黍葭谷謂之華谷誤涑水在汾南此在汾北也長秋城即漢長倚縣今絳州之泉

寧鎮也已詳國都龍門城亦見前鼓鐘鎮在垣曲縣北六十里水經注教

水逕鼓鐘川西南有冶官謂之鼓鐘城也周建德五年攻

晉州分遣尹升守鼓鐘鎮即此處矣姚岳城在隰州東北

周保定初勳州刺史韋孝寬以離石以南生胡數為寇抄

而居齊境不可誅討欲築城於險要以拒之使別將姚岳

董其役日計此城十日可畢此距晉州四百里敵軍至我

之城辦矣果城之而還後人因謂之姚岳城

右後魏及齊周

隋初罷郡以州領縣後復改州為郡太原郡即并州總管府也仍在晉陽其太原縣在今縣汾河之東陽直又為汾陽並在陽曲北境交城在今縣北文水在今縣東

元和志陽曲縣開皇三年改為陽直縣

在木井城南四里

十年又

移於今縣東北四十里十六年改為汾陽縣

案即舊通志所云縣東北

七十里鄭村南社者而指謂之木井城

煬帝又改為陽直縣移理木井城即

今縣理是也

案即陽曲潞志云南至府七十里乃唐之太原府也

文水縣因縣西

交谷水為名交城縣分晉陽縣置取古交城為名

舊道志古交城在縣東北九十里汾孔二河交流故名

古文水城在今縣東十里後魏有文水城隋唐因之

後案

魏為受陽縣

平河故郡即平陽也和川在岳陽縣東北汾東在翼城縣西

南文城郡今吉州其故縣在州北

隋志臨汾郡臨汾後魏曰平陽并置平陽縣開皇初改郡
爲平河改縣爲臨汾尋郡廢文城郡後周汾州開皇十六
年改耿州大業初置郡 元和志慈州文城縣南至州六
十五里 方輿紀要和川城在岳陽縣東九十里後魏建
義初分禽昌地置義甯縣隋初郡廢縣改曰和川屬沁州
大業初廢唐復置今名和川里小鄉城在翼城縣西南隋
初屬絳州又改爲汾東縣大業初省

清世故縣在平遙縣南脩化太和二縣並在臨縣境

方輿紀要平遙縣清世城在縣南隋開皇十六年析平遙
置清世縣屬介州大業初廢臨縣脩化城在縣南後周窟
胡縣並置窟胡郡治焉隋初郡廢縣改爲脩化屬石州又

太和城在縣東北後周烏突縣並置烏突郡治焉隋郡廢縣改曰太和屬石州

丹川城澤州治也在今府東

隋志丹川舊曰高都開皇十八年改大業初置長平郡今臺縣東三十里高都鎮

雲內今大同縣鄯陽今朔州神武在山陰應州開陽今甯武府地也

隋志鄯陽大業初置代郡尋曰馬邑又有後魏桑乾郡後

齊以置朔州案後魏桑乾郡以水經注證之在今山陰縣辨詳前神武後齊太平郡

有桑乾水雲內後周雲中開皇初改避文帝有紇真山白

登山武周山有隰水案灤水訛濕水又訛濕水此更訛濕為隰開陽舊曰長甯

開皇初廢郡十九年縣改開陽

交漳城在遼州南甲水城在沁州北縣上城在沁源縣北沁源卽沁州治也

太平記威勝軍銅鞮縣故甲水城隋開皇十八年置甲水

縣在今縣北七十里沁源縣開皇十六年置沁州大業初

廢州大通監縣上縣開皇十六年分介休縣南界置屬沁

州取晉封介之推地爲縣名案今縣上鎮在沁源縣北七十里方輿紀

要交漳城在遼州東南七十里開皇十六年置交漳縣大

業初廢

東山廢縣在平定州之樂平鄉鄉城亦舊遼州治也原仇城在今孟縣

隋志太原郡樂平開皇十六年分置遼州及東山縣大業

初廢州及東山縣孟開皇十六年置曰原仇大業初改焉

太平志樂平山在縣東七十六里卽古東山皋落氏之地

漢縣因山以名

案此則東山故縣當在山側以爲皋落氏故地者又因縣名而得台耳詳國都下

秀容城卽忻州治也雁門城卽代州治也汾源廢縣在靜樂

又卽樓煩郡治也銅川故城在崞縣今縣又嘗爲平寇及繁時縣也

隋志樓煩郡大業四年置靜樂舊曰崞嵐開皇十八年改

爲汾源大業四年改焉秀容開皇初置新興郡銅川縣郡

尋廢十八年置忻州大業初州廢又廢銅川縣雁門郡後

周置肆州開皇五年改代州置總管府大業初廢雁門舊

曰廣武開皇十八年改雁門繁時開皇十八年置有東魏

武州寄在城中後齊改北靈州尋廢崞開皇十年改縣曰

平寇大業初改爲崞縣

謹案銅川故縣在今崞縣東南銅川鄉繁峙隋初置於大堡戍在今繁峙縣東大業十二年移於武州城在崞縣北矣地志皆不具始末詳見府州山川諸考虞州故治在安邑縣聞喜今縣東故城也

隋志河東郡安邑開皇十六年置虞州大業初州廢

太平

義甯元年置安邑郡武德元年廢置虞州貞觀十七年又廢虞州今安邑縣東三里即廢虞州之地也與隋志不合未和孰是

太平記聞喜縣開皇十年自柏壁移於甘谷口方輿紀要縣東二十里有甘谷口甘水出焉

龍泉郡治隰川在今隰州樓山故縣在永和南

隋志龍泉郡開皇四年置西汾州總管五年改隰州總管大業初廢樓山後周置曰歸化開皇十八年改名 太平記龍泉故郡城在隰川縣東一百三十步樓山故縣在永

和縣南一十五里

定襄郡治大利城卽古雲州也在和林格爾廳金河榆關總管所治也在托克托廳又有陽壽廢縣油雲亦廢縣也在薩拉齊廳界

隋志定襄郡大利大業初置帶郡榆林郡壽陽油雲開皇三年置二十年俱廢金河仁壽二年置帶關 太平記勝州榆林縣榆林關縣東四十里南臨河秦卻匈奴處隋置榆林關

其鎮戍尙嵐鎮卽今州治也

太平記尙嵐軍在樓煩郡北百里隋大業中置尙嵐鎮押草城川賊路

恆安鎮卽故恆州也今大同府治桑乾鎮卽下館城也在朔

州馬邑鄉南

元和志雲州高齊仍置恆州周武帝平齊州郡並廢又於其地置恆安鎮屬朔州自周迄隋仍爲鎮 隋書帝紀仁壽元年突厥犯塞遣柱國韓洪討之遇虜於恆安又平寇縣公李景適送義成公主至恆安鎮又大業十三年雁門丞陳孝意虎賁郎將王智辨合兵討劉武周圍桑乾鎮陳孝意傳云戰於下館城

原陽鎮在歸化城南紫河鎮在和林格爾廳南萬壽戍在托克托廳東

冀州圖白道川當原陽鎮北 隋書突厥傳開皇中沙鉢略可汗入貢還至紫河鎮其牙帳爲火所焚帝紀大業四年詔以啟民可汗保附關塞誠心懇切宜於萬壽戍置城

造屋

案文帝居殿民於大利城場帝於大利置縣蓋徙居於萬壽戍也突厥傳義成公居古雲中城當卽萬壽

戍矣大利城爲定襄郡治雲中在其西北相距八十里

樓煩城在靜樂縣北大堡戍在繁峙縣東橫城在陽州南

冀州圖樓煩城在靜樂縣東北七十里 元和志樓煩關

在靜樂縣北一百五十里 隋書帝紀大業三年車駕北巡入樓煩關四年詔起汾陽宮並

築樓煩城志云汾陽宮在靜樂縣北一百二十里 代州繁峙縣開皇十八年置於

今縣東六十里大堡戍大業十三年移於武州城隰州隰

川縣故橫城在縣南三十五里隋仁壽四年楊諒作逆遣

僞將吳子通築城於此橫絕蒲川道因以爲名

唐復改郡爲州多仍舊稱其異者嵐州治宜芳初爲東會州

慈州治吉昌初爲耿州汾州治西河初爲浩州遼州治遼山

嘗改箕州又改儀州惟澤州治漢澤爲新置尋徙端氏又徙

晉城憲州治樓煩則唐末所置也

若太谷之太州翼城之滄州介休之介州方山之方州臨泉之北和州定胡之西定州石樓之西德州高平之蓋州榆社之榆州潯陽之受州靜樂之北管州芮城之芮州龍門之秦州蒲縣之呂州大甯之中州永和之東和州溫泉之北溫州霍邑之呂州皆初年權置不久卽廢者也

謹案諸州所治之縣今大半仍其名其建置始末具詳府州廳縣考又天寶改郡乾元復故唐志皆州郡並書而大概沿襲北朝舊名不復徵引以省繁複

其故縣陽直復改陽曲初治汾陽後仍徙木井城有蔚州僑治及羅陰故縣燕然故縣並在今縣北

唐書地理志陽曲本陽直武德三年析置汾陽縣

元和志今縣西

十五里案師今陽七年省陽直更汾陽曰陽曲元和志縣城故木井

城也方輿紀從仍析置羅陰縣貞觀元年省六年以蘇農

治陽曲故城仍析置羅陰縣貞觀元年省六年以蘇農

部落置燕然縣隸順州八年僑治陽曲十七年省在今縣西北

又蔚州唐初沒突厥武德六年置州并置靈邱飛狐二縣

僑治陽曲

盧川故縣在交城縣北嵐谷城尙嵐軍治卽今州也合會豐

潤並在嵐縣合河臨津並在興縣

唐志交城先天二年析置靈川縣開元二年省太平泚廢

縣東北九十五里天授二年移交城縣南山平川卻波村

因置案此縣去故交城不十里今名盧川口志作靈川說

也交唐志嵐谷長安三年析宜芳置有尙嵐軍景龍中張仁夏

徙其軍於朔方留者號尙嵐守捉隸大同方輿紀要合

會城在嵐縣西武德四年分宜芳置合會豐潤二縣屬東
會州明年省豐潤入宜芳六年州廢縣屬嵐州九年又省
合會入宜芳興縣合河城在縣西北六十里唐縣治此宋
元豐徙蔚汾水北卽今治也或曰今縣東南六十里有故
臨津城蓋唐初縣管治此案縣東南合查山有湫水流入
臨泉其蔚汾水出合查山西亦有臨泉也唐改太和縣爲
故唐改蔚汾縣爲臨泉唐又改爲臨津也

宿水店襄陵故治也敬德堡太平新治也河西城在洪洞縣
新城在汾西界呂香城在鄉甯東皆廢縣也

方輿紀要襄陵故城在縣東二十五里唐移治於汾水西
在今西南十里地名宿水店太平城在今縣北唐貞觀七
年移縣於敬德堡卽今縣矣洪洞縣西南三十里西河廢
縣唐武德中析洪洞置貞觀十七年省入臨汾案當在今
臨汾之吳

材鎮西河疑唐志誤新城廢縣在汾西西北義甯初置屬

北温州貞觀初州廢縣省入汾西一統志新城東南三十

里有溫泉城案賈宇記在溫泉西呂香廢縣在鄉甯縣東

義甯初置平昌縣唐貞觀元年改曰呂香縣屬慈州劉詢

曰呂鄉以舊鎮為名本治吉州東北百里上元三年移於

州東南百餘里漢臨汾縣地案本縣地五代周顯德中廢

宇記呂鄉城在鄉甯縣東南八里一統志在吉州東南百

五十里似誤案據賈宇記所述山州里數約入十

溫泉城高唐城並在孝義縣界方山城孟門城並在永甯州

境臨泉城在臨縣東北

太平記隰州溫泉縣在州北一百九十里唐武德三年於

縣東南四十里置北隰州及溫泉縣因縣有溫泉為名高

縣東南四十里置北隰州及溫泉縣因縣有溫泉為名高

唐故縣城在縣東南一十五里唐武德三年於王莊堡置

高唐縣屬北温州貞觀元年省北温州縣並廢石州方山

縣在州北九十里在良泉故縣北十二里唐初治良泉後移此定胡縣唐武德

三年於縣置西定州貞觀二年廢州置孟門縣七年廢縣

為孟門鎮八年廢鎮復為縣今孟門鎮在永甯州西九十里臨縣西南一百二十里

臨泉縣在州西北一百七十里臨縣志故城在縣北四十里

其蒲州別有溫泉縣析桑泉置桑泉今臨晉嘗為河東郡治

者也

唐志蒲州義甯元年治桑泉武德三年徙治河東臨晉本

桑泉武德三年析置溫泉縣九年省

蓋城故縣在陵川縣西南又有蓋州治晉城今澤州府治也

唐志澤州本長平郡治獲澤武德八年徙治端氏貞觀元

年徙治晉城晉城本丹川武德元年置建州三年析丹川

置晉城以隸之六年州廢隸蓋州徙蓋州來治九年省丹

川蓋城入晉城貞觀元年州廢高平武德元年日蓋州並

析治蓋城縣陵川縣志蓋城村在縣西南五十二里

雲州今大同府定襄雲中州舊置之縣也故城並在府西馬

邑今朔州之鄉也

唐志雲州雲中郡都督府貞觀十四年自朔州北定襄城

案即漢定襄郡在今和林格爾徙治定襄縣方輿紀要在

定元志作朔州北界是也徙治定襄縣大同府西北

二十里是也其地永醇元年為默噶所破徙其民於朔

州開元十八年復置雲中本雲內之恆安鎮武德元年置

七年廢北恆州在今大同府城元和志所謂東州貞觀十

四年復置日定襄縣永醇元年廢開元十八年復置更名

朔州馬邑郡本治鄯陽建中節度使馬燧徙治馬邑 元和志馬邑本鄯陽地開元五年分鄯陽縣於州東三十里置

受州故城在平定州西北州則廣陽城也烏河故縣在孟縣西

元和志廣陽縣本漢上艾縣地天寶元年改廣陽因縣西南八十里廣陽故城爲名也廢受州城在縣西北三十里舊名塞魚城武德八年因故蹟築移受州理此貞觀八年廢 太平記舊廣陽城在平定軍東南三里 方輿紀要烏河城在孟縣西百二十里隋義甯初置縣貞觀元年省管州亦曰北管州有汾陽故城在靜樂縣北其憲州治樓煩城舊監牧也在靜樂縣南天池城元池城並縣南界

唐志靜樂縣武德四年置管州仍析置汾陽六度二縣五年曰北管州六年州廢省汾陽六度 太平記憲州今理

樓煩縣舊樓煩監牧也嵐州刺史兼領貞元十五年楊銖

為監牧使遂專監司不繫州縣龍紀元年太原李克用為

晉王時奏置憲州於樓煩監領縣三樓煩縣龍紀元年於

監西一百里置元池縣在州東六十里北臨大川案即汾川與陽

曲縣天池縣置在州西南五十里本理孔河館乾元後移

於安明谷道人堡下案與交城縣界孔河館在交城北一百里

謹案管州以管涔山為名其汾陽六度二縣六度無

考汾陽蓋因隋汾陽宮而名今為甯武縣之甯化地

樓煩天池元池亦皆在甯化而此樓煩則為今靜樂

縣南七十里之樓煩鎮天池元池更在其南又不得

以名相傳合矣

繁時故城在今縣南其蔚州僑治則崞縣北之舊武州城唐
林城懷化城並在崞縣南

太平記蔚州武德七年寄治代州繁時縣繁時隋大業十

二年移於武州城唐聖歷二年以縣在平川難於固守遂

東移於今理其城三面枕澗東接峻坂極為險固案在今

里漳沱河南岸唐林縣設聖元年分五臺崞二縣於忻代二州界

置武延縣神龍以後改為唐林今崞縣南六十唐志忻

州秀容貞觀五年以思結部落於縣境置懷化縣隸順州

十二年以懷化縣隸代州今崞縣西南七

桐鄉城聞喜縣治也長泉城在垣曲縣萬春城在河津縣縣

又秦州故治也

唐志解州安邑武德元年曰虞州又析置桐鄉縣十七年

州廢省桐鄉入聞喜宋唐初聞喜向治甘谷故南境為安邑地也太平記元和三年河中節度

杜黃裳奏移神策軍於縣宇官吏權止桐鄉佛寺至龍門十年刺史李憲奏復置縣於桐鄉故城即今理也

武德二年移秦州來治五年析置萬春縣貞觀十七年州

廢省萬春入龍門秦州初置在寶鼎萬春故城在今河津縣東北四十里絳州垣縣

元年曰邵州二年置長泉縣是年以長泉隸懷州後省

仵城常安城在隰州界昌原故城在蒲縣亦即昌州也大義

白龍皆故中州所統縣也在大甯縣界

方輿紀要隰州常安城在州北三十里唐初置縣屬昌州

昌原廢縣在蒲縣西唐武德初置昌原縣屬昌州貞觀初

廢入蒲縣大義廢縣在大甯縣北唐初置大義縣又於縣

西北置白龍縣俱屬中州貞觀初州廢二縣俱省入大甯

又吉州件城廢縣在州北六十里後魏置曰五城隋改伍

城屬汾州唐武德二年改置件城縣屬昌州貞觀初縣廢

尋復置改屬慈州案作城距隰州及蒲大甯均六十里今屬隰州唐志蒲縣西南有常安原當卽

故縣

其城鎮天兵軍在太原縣大同軍在大同縣靜邊軍在右玉

縣清塞軍在陽高縣天成軍在天鎮縣

元和志天兵軍太原府城內聖厯二年置大同軍雁門郡

北三百里調露中突厥南犯裴行儉置唐志雁門有守捉

本大武軍滿露二年日神武軍天授二年日平狄軍大足

元年復更名案復更名謂名大同軍方與紀要謂復日神

武軍而於代州下載神武軍城又於朔州馬邑縣列大

軍城兼引唐志及元載神武軍城又於朔州馬邑縣列大

爲天兵大軍同天安橫野地志此文今考唐兵志河東道四軍

有天安軍大軍同天安橫野地志此文今考唐兵志河東道四軍

同天安軍大軍同天安橫野地志此文今考唐兵志河東道四軍

三百里也實為大雲州西至靜邊軍一百八十里東至清

塞軍一百二十里又東至天成軍六十里唐志蔚州東北

元年從天成軍合之而廢橫野軍西有

振武軍節度使治金河縣又即單于大都護府也在和林格

爾廳北

太平記河東道朔州廢單于都護府在州西北三百五十

七里本秦漢時雲中郡城也案當云漢定襄城本書關西

都護府即漢定襄郡之盛樂縣是也唐龍朔三年置雲中都護府麟德元年

改為單于大都護府振武軍在城內管金河一縣與府置

同

雲中都護府治在托克托廳東雲中都督府治在歸化城北

定襄都督府在和林格爾廳境桑乾都督府治在甯遠廳雲

中守捉故城在薩拉齊廳

唐書突厥傳貞觀中擒頡利分故地為二部左置定襄府

右置雲中府麟德初徙故瀚海都護府於古雲中城號雲

中都護府 太平記雲中都督府在金河縣北一百四十

里唐志雲中都督府貞觀四年析頡利右部置領雲州東

至桑乾都督帳一百五十里唐志桑乾都督府龍朔三年

藝失州卑失州叱略州定襄都督府貞觀四年析頡利

左部置領州四阿德州執失州蘇農州拔延州案諸府

州於置都護府時 並僑治朔方地 方輿紀要唐志單于府金河縣魏道

武所都察漢雲中郡地自單于府西北二百七十里又有

雲中守捉城調露中裴行儉置

東受降城在托克托廳北

元和志東受降城本漢雲中郡地在榆林縣東北八里今

屬振武節度東北至單于都護府一百二十里

謹案唐志景雲中朔方總管張仁愿築三受降城寶
歷元年振武節度使張惟靖以東城濱河徙置綏遠
烽南賈耽圖云古雲中城西五十里有綏遠城是也
而其初置之城地志皆無明文今案元和志既云東
北至單于府一百二十里又云東南至東都取單于
路語殊矛盾似所云東南取單于路者為所徙之城
在今托城之北疑今之東北至單于府者為初置之
城在今托城以南也疑今之湖灘渡若謂與振武軍同城則
謬之甚振武軍即單于府不濱河也

百井鎮在陽曲縣北武興城即文水故城也遮虜城在崑崙
州東

太平記文水縣天后朝以粉榆故邑改爲武興縣神龍元
年復城甚寬大約有三十里百姓於城中種水田 方輿
紀要百井鎮在太原府北四十里案當作七十里唐大曆十二年
回紇入寇河東留後鮑防禦之大敗於此廣明元年河東
將張彥球追沙陀於代州至柏井軍變遷晉陽卽百井也
遮虜城唐遮虜軍也亦曰折虜平乾符元年以振武帥李
國昌爲大同帥國昌不受命與子克用合兵陷遮虜軍尋
攻苛嵐軍陷其羅城敗官軍於洪谷志云洪谷東北有遮
虜平置軍於此

三角戍在永甯州北良馬寨在屯留縣西科斗店在鳳臺縣
南胡壁鎮在滎河縣東

元和志石州方山縣三角戍在縣北七十三里 方輿紀

要唐會昌四年河中帥石雄討劉稹拔其良馬等三砦志

云潞州津梁寺水草肥美良馬砦建於此

案在屯留縣西九十里顧氏云

在沁州東

科斗店在天井關南會昌三年河陽帥王茂元討

劉稹遣兵軍於科斗為稹將薛茂卿所敗即此胡壁鎮在

榮河縣東三十里唐光化元年陝虢王珙引汴兵攻河中

李克用遣李嗣昭救之敗汴兵於胡壁鎮

神堆棚在懷仁縣保大棚在平魯縣安眾寨在朔州

方輿紀要景福初幽州帥李匡威襲雲州李克用潛入新

城伏兵於神堆擒吐谷渾邏騎三百神堆即黃花堆新城

即後魏之新平城在神堆東南續通典神堆棚在雲州西

南九十里安眾寨在朔州北唐會昌三年振武軍節度劉

沔天德將石雄敗回鶻於此又保大棚在朔州西北會昌

三年回鶻將嗚沒思來降賜姓名李思忠屯保大柵

固鎮砦青龍砦在沁源縣西南承天軍城在平定州東北

方輿紀要唐會昌四年官軍討澤潞叛帥降將高文瑞言

固鎮砦四崖懸絕前十五里至青龍砦其東十五里即沁

州城通鑑注時州治沁源河中帥王逢方屯翼城則砦在

沁源之西南武澤關在平定州東北八十里即唐之承天

軍俗曰娘子關舊通志承天軍城在承天山上為太行徑

蔡長慶中裴晉公征河朔駐兵於此光化二年朱全忠遣

氏叔琮攻破承天軍天信七年晉王存勗會趙王鎔於承

張店鎮在平陸縣北賈胡堡在靈石縣南

方輿紀要張店平陸所屬鎮也唐乾甯四年李嗣昭救河

中敗陝兵於猗氏又敗之於張店遂解河中之圍賈胡堡

在霍州東北五十里唐高祖起兵太原至西河入雀鼠谷
進軍賈胡堡去霍邑五十里是也括地志靈石縣有賈胡
堡蓋舊在靈石縣境

新店在曲沃縣王逢寨在翼城縣申村堡在汾西縣青城在
長子縣高望堡在壺關縣黃龍莊在永濟縣段雄城在臨晉
縣秦王寨在萬泉縣應州故城在今州南古城在右玉縣馬
跳莊在朔州馬邑鄉

舊通志曲沃縣新店至德二年郭子儀與賊嚴莊戰於
曲沃大破之於新店是也王逢寨在翼城縣東南隅唐
會昌四年劉稹叛李德裕議遣王逢屯翼城縣志後唐
長興元年邑令張仲溫徙治王逢寨申村堡舊唐志汾
西縣隋末陷賊武德初權於今城南五十里申村堡置

貞觀六年徙今治青城在長子縣南三十里相傳唐開元十年舊邸有五色龍見從東南入青城宛轉上升時刺史作頌曰宛彼龍德昭昭上升天資利物以固時乘壺關縣高望堡武德元年析上黨縣置壺關縣於此貞觀十七年移治進流川永濟縣黃龍莊後唐長興元年河中節度使李從珂闔馬於黃龍莊其衙內指揮使楊彥溫閉門拒之從珂止於虞鄉以聞臨晉縣段雄城在縣東北十九里接峩峩原應州故城在州東十里唐天寶中大同節度使王忠嗣所築乾符間李國昌爲節度使移築於天王村南故城遂廢

案唐志無應州亦不見於元和太平二書惟遂

志謂唐時置殊不足據

南古城在右玉縣南七十里相傳爲劉武

周行宮馬跳莊在馬邑縣北十里舊傳鄂國公於金龍

池得焉乘至此馬復跳躍故名

熊水堡在沁州鞏澤城在平定州賀魯城在壽陽縣阿跌屯在河曲縣太尉堡在芮城縣秦王堡在絳州秦王寨在聞喜縣

舊通志銅鞮縣武德五年徙治熊水堡見舊唐書地理

志案熊字書所無疑解之訛文賀魯城在壽陽縣西三十里北定都

趙簡子築又名故蓋城址微存東有簡子祠墓宋韓魏

公過此賦詩按尋晉趙留裔缺因得遺封簡子廬案賈魯突

厥部名唐志稱隴州有賀魯州今汾陽平遙皆有賀魯木蓋唐時蕃將所居或降人部族散處者簡子祠墓則

後人附會耳阿跌屯在河曲縣步落稽部後唐命屯河曲賜

姓李氏光進光顏皆生於此案此河曲在河套西光顏

氏其本部更遠然今榆次縣有其兄弟太尉堡在芮城及父良臣墓碑銘尚存則久為晉人矣

縣東南四十五里潁河本名鳳川唐武德二年行軍總
管劉世讓屯兵於此以討夏縣呂崇茂人呼世讓為太
尉故名絳州秦王塋在柏壁鎮劉武周將宋金剛進逼
絳州復陷龍門關中大震秦王引兵自龍門渡河屯柏
壁又聞喜縣秦王塋在縣南五十里秦王嶺址存又志
萬泉

縣東三里
有秦王塋

其諸州府兵皆有定居見於志者太原十八府曰興政復化
甯靜洞溝五泉昌甯志節汾陽靜智信童晉原閔陽清定豐
川竹馬懷胡西胡文谷

嵐州一府曰嵐山

河中三十三府曰興樂德義胡壁龍亭清源永和陶城霍山
漢水首陽長壽歸仁長渠虞城通潤寶鼎鹽海歸館大陽永

山西通志卷之十四
古蹟考
三十一
安奉信永興右威汾陰甘泉平川安保石門綏化檀道安邑
崇義六軍

晉州十五府曰神山平陽豐甯翼城安信萬安益昌吳英岳
陽仁壽高陽臨汾晉安白澗高華仁德

慈州三府曰作城吉昌平昌

潞州一府曰潞黎

汾州十二府曰嘉善六壁崇德華夏靈扶五柳京陵介休賈
胡甯固開遼清勝

石州二府曰離石昌化

澤州五府曰丹川永固安平沁水白澗

遼州三府曰遼城清谷龍城

沁州二府曰延雙安樂

忻州四府曰秀容高城漳源定襄

代州三府曰五臺東冶雁門

絳州三十三府曰新田太平正平武城長社大鄉垣城涑川絳川蓋松鳳亭延光平原高涼神泉桐鄉萬泉翼城皮氏董澤零原石池延福永康景山周陽夏臺古亭崇樂絳邑長平武陽蒲邑

隰州六府曰隰川大義孝敬修善玉城屈產

平陸芮城夏縣別屬陝州州有府十五內夏臺萬歲安戎

河北底柱夏川六府則三縣地也萬歲堡在芮城西北八里志云周顯王時築以

祭秦地存又有古亭府與夏臺並見絳州下未知為一地否也

唐末故縣滄川即翼城潞子即潞城黎亭即黎城丹川即晉城濩澤即陽城皆朱全忠避其父誠嫌名而改也

唐志並天佑二年改

後唐之吉鄉本吉昌鄉甯本昌甯金城亦曰金鳳城卽應州治也寰州治寰清在朔州之馬邑

太平記慈州吉昌縣後唐避國諱改吉鄉昌甯縣改鄉甯舊通志應州金城故縣在州城內明永樂間嘗掘得金城縣印今爲儒學金鳳城天王祠前後唐明宗生此中有金鳳井元遺山詩此地曾云海眼開古今人喜暢奇哉料應丹穴相穿透飛出摩天金鳳來寰州城馬邑縣西關迤南後唐天成三年置寰州治寰清縣遼罷爲縣址存

隆州故城在祁縣東其軍監故治大遼監在交城縣北甯化軍在甯武縣南寶興軍在五臺縣北鎮砦曰雄勇鎮在河曲

縣曰偏頭砦在偏關縣廣陽靜陽二砦並在平定州皆五代時北漢所置也

十國春秋祁縣東三十里有隆州故城 太平記大通監

本漢晉陽古交城之地管東西二治烹鐵之務東治在縣

上西治在交城縣宋志太原府交城屬大通監開寶元年

台十二年似監寶興軍本代州烹鍊之治務劉繼元割據

本北漢初所置之時建為寶興軍地屬五臺山寺案今名治子塲屬繁峙縣在縣東南八十里

甯化軍本嵐州之故軍火山軍北至雄勇鎮二十里十國春秋

乾祐五年置甯化軍於嵐州界又置雄勇鎮於其北案今甯化巡檢司在甯武縣前一百里雄勇鎮當在今河曲縣

東南五十里方輿紀要平定州廣陽砦在州東南三十里五

代時北漢置砦於此靜陽鎮在樂平縣東南九十里宋志

有靜樂砦五代史東漢世家乾德元年王全

斌攻樂平陷之改為平晉十八砦相率降

舊通志北漢主劉鈞天會元年城偏頭砦於韓光嶺之上卽今關城宋隸火山軍

右隋唐五代

宋太原府徙治唐明鎮今會城也

宋史地理志太原府太平興國四年平劉繼元降爲隰州軍事毀其城移治於榆次縣七年移治唐明監元豐爲次府大觀元年升大都督府 城邑考今府城宋太平興國七年所築偏於西南明洪武九年展築東南北三面甃以磚石環以大濠周二十四里

韓琦并州新修廟學記太平興國四年太宗皇帝平僞劉一天下壞太原故城徙州榆次又三年復遷於唐明當時經始者乘用武之後慮不及遠不知并據都會異

在府州東北一百五十里不甚合惟清
水河卽方志所云安邊河也經今廳南

金徐溝治徐川鎮卽今縣也廣武治雁門北口在代州北

舊志徐溝卽清源之徐川鎮金大定十九年升為縣高

歡建牙陽曲川梗陽驛子應之是梗陽舊有驛也徐溝

鎮嘗隸清源而為洞渦象峪沮洳地驛嘗在米陽堯城

白圭間或曰今徐溝卽梗陽鄉也

案水經注汾水逕梗陽城東故榆次縣之

梗陽鄉確為今之清源城徐溝在漢當為榆次之涂水

鄉也涂水卽徐水也至元魏之末晉陽本在汾西南行

則清源為首衝東行則徐溝為首衝正難定其孰為梗陽驛矣廣武城馬邑縣南八十

里韓王信屯廣武漢兵大破之卽此漢為縣隸太原郡

案此廣武卽今之廣武站也在雁門關北口之西土人謂廣武者金志貞祐三年七月割朔州廣武縣隸代

其晉安府治絳州興州治興縣翼州治翼城榮州治榮河勃

州是也故城在代州西北四十五里一統志在崞縣亦誤

州治陽城雲州治懷仁忠州治山陰成州治靈邱固州治馬
 邑穀州治沁源孟州治孟縣皋州治樂平臺州治五臺堅州
 治繁峙蒲州治蒲縣雲州治霍邑與懷州治祁縣之團柏鎮
 晉州治壽陽之西張寨皆權置者也

金志絳州興定二年升晉安府總管河東南路兵馬四年

置晉州於壽陽縣之西張寨在縣北五十里雲州成州忠州故治在山

陰縣南十五里榮州臺州堅州霍州並貞祐三年升翼州孟州皋

州蒲州並興定四年升勤州穀州並元光二年升舊通志

址祁縣東三十里團柏鎮金史貞祐中尙書左丞胥鼎議於縣東團柏鎮置懷州縣屬之尋廢

吉州之徙牛心寨解州之徙平陸縣方山之徙積翠山河曲

之徙許父寨皆僑治者也

方輿紀要牛心寨在吉州北金末州僑治於寨蒙古將木

華黎自隰州攻拔之解州金初置解梁軍軍尋罷屬陝郡
貞祐二年又升爲寶昌軍興定四年徙治平陸元復故河
曲縣舊城在今縣東北八十里金興定二年嘗以隰州改
隸嵐州四年以舊城殘破徙治於黃河灘許父察明初因
之方山城在永甯州北七十里隋義甯初置縣金志貞祐
三年徙縣於積翠山志云在州北百四十里宋今爲方
山巡檢司
淨州治天山縣故城在歸化城北之大青山

金志大定十八年以天山縣升爲豐州支部北至界八十
里天山舊爲椎場十八年置爲倚郭

元小靈石縣城在介休縣南平地城在右玉縣北

元史地理志元初立汾州元帥府割靈石縣隸霍州仍析
置小靈石縣至元二年省小靈石入介休大同路平地本

幽地裒至元二年省入豐州三年置縣曰平地

甯武屯今府城也紅城在和林格爾廳皆元初屯田之所

元兵志忠誥侍御屯田至元二十九年摘大同太原等處
軍人於燕只哥赤斤地面及紅城置立屯田立大同等處
屯儲萬戶府以領之大同等處屯田成宗大德四年以西
京黃華嶺等處田土頗廣發軍民立屯開耕六年設屯儲
總管萬戶府十一年放罷漢軍還紅城屯所地理志萬戶
府所屬有山陰雁門馬邑鄯陽洪濤金城甯武凡七屯

右宋遼金元